

Voorslag liedjies 2020

1. FILIPPENSE 4:4 116 (FAK 2 van 2012)

Filippense vier vers vier sê:
"Verbly jul in die Heer!"

Filippense vier vers vier sê:
"Verbly jul in die Heer!"

Verbly jul, verbly jul,
verbly jul in die Heer.
Verbly jul, verbly jul,
verbly jul in die Heer.

Filippense vier vers vyf sê:
"Die Here is naby."

Filippense vier vers vyf sê:
"Die Here is naby."

Wees vriendelik met almal:
die Here is naby!
Wees vriendelik met almal:
die Here is naby!

Filippense vier vers ses sê:
"Bid dankbaar tot die Heer."

Filippense vier vers ses sê:
"Bid dankbaar tot die Heer."

Bid altyd, wees dankbaar,
bid altyd tot die Heer!
Bid altyd, wees dankbaar,
bid altyd tot die Heer!

Filippense vier vers sewe:
"Hy sal sy vrede gee."

Filippense vier vers sewe:
"Hy sal sy vrede gee."

Sy vrede, aan julle,
Hy sal sy vrede gee.
Sy vrede, aan julle,
Hy sal sy vrede gee.

Geestelike liedere

2. WAT 'N VRIEND HET ONS IN JESUS 145 (FAK 2 van 2012)

Wat 'n vriend het ons in Jesus.
Hy wat in ons plek wil staan.
Wat 'n voorreg om gedurig
in gebed na Hom te gaan.
Hoe verbeur ons soms die vrede,
kom ons in vertwyfeling
net omdat ons nie ons swaarkry
in gebed na Hom toe bring.

As versoeking en beproewing,
of as hartseer oor ons kom,
laat ons nooit mismoedig word nie,
maar ons kommer bring na Hom.
Nêrens is 'n vriend getrouer -
Hy wat van ons swaarkry weet.
Jesus staan met ware deernis
altyd tot ons hulp gereed.

As die sorg van die lewe
of bekommernis ons kwel,
bly die Heer ons beste toevlug -
alles kan ons Hom vertel.
Wanneer ander ons teleurstel,
soek ons in gebed die Heer.
Jesus troos ons met Sy liefde,
Hy verstaan ons hart se seer.

Tradisionele liedere

1. SARIE MARAIS

46 (Voortrekkers KAN Lekker sing)

My Sarie Marais is so ver van my hart,
maar'k hoop om haar weer te sien.
Sy het in die wyk van die Mooirivier gewoon,
nog voor die oorlog het begin.

Refrein:

*O bring my terug na die ou Transvaal,
daar waar my Sarie woon,
daar onder in die mielies
by die groen doringboom,
daar woon my Sarie Marais,
daar onder in die mielies
by die groen doringboom,
daar woon my Sarie Marais.*

Ek was so bang dat die Kakies my sou vang
en ver oor die see wegstuur;
Toe vlug ek na die kant van die Upingtonse sand
daar onder langs die Grootrivier.

Refrein:

*O bring my terug na die ou Transvaal,
daar waar my Sarie woon.
Daar onder in die mielies
by die groen doringboom,
daar woon my Sarie Marais.
Daar onder in die mielies
by die groen doringboom,
daar woon my Sarie Marais.*

2. SUIKERBOSSIE

87 (Kom sing saam met die Voortrekkers)

Suikerbossie 'k wil jou hê
Suikerbossie 'k wil jou hê
Suikerbossie 'k wil jou hê
Wat sal jou mamma daarvan sê?

Refrein:

*Dan loop ons so onder deur die maan
Dan loop ons so onder deur die maan
Dan loop ons so onder deur die maan
Ek en my Suikerbossie saam.*

Sy kan nie kos kook nie,
haar kos is rou.
Sy kan nie tee maak nie,
haar tee is flou.
Sy kan nie brood bak nie,
dis als verbrou.
Tog wag ek, Suikerbossie net vir jou.

Ja, Siena ek is lief vir jou.
Suikerbossie 'k wil jou hê
Suikerbossie 'k wil jou hê
Al sou jou Mamma wat ook sê!

Refrein:

*Dan loop ons so onder deur die maan
Dan loop ons so onder deur die maan
Dan loop ons so onder deur die maan
Ek en my Suikerbossie saam.*

3. WANDELLIED

86 (Voortrekkers KAN Lekker sing)

As ek moeg word vir die lewe in die stad,
lok my die wandelpad;
As ek moeg word vir die lewe in die stad,
lok my die wandelpad;
In die veld pluk ek 'n wandelstaf
van die naaste doringboompie af,
en sing my wandellied, en sing my wandellied.

Of ek luister na my eie voeteval
op pad oor berg en dal.
Of ek luister na my eie voeteval
op pad oor berg en dal.
Dan's ek weer die eensaam wandelaar
na die lekker landstreek wie weet waar,
'n swerwer lewenslank, 'n swerwer lewenslank.

En die blou plafon wat oor die velde strek
sal saans my sluimer dek.
En die blou plafon wat oor die velde strek
sal saans my sluimer dek.
En die sterreheer sal kom en gaan
oor die maanverligte hemelbaan
en vriend'lik wink van ver,
en vriend'lik wink van ver.

Vaderlandsliedere

1. AS DIE OPROEP KOM VIR DIENS 28 (Voortrekkers KAN Lekker sing)

As die oproep kom vir diens aan eie land,
voortmarsjeer (Voortrekker), voortmarsjeer!
Staan jou man en doen jou plig met vaste hand;
Voortmarsjeer (Voortrekker), voortmarsjeer!

Bring die offer wat jou land van jou vra,
Trekkerjeug wat vryheidsvaandel dra
Laat ons saam ons volk se naam in ere hou.
Voortmarsjeer (Voortrekker), voortmarsjeer!

2. LAND IN DIE SUIDE 31 (Voortrekkers KAN Lekker sing)

Daar is 'n land in die Suide
waar jy my sal kry.
Daar's 'n land in die Suide;
hy sal bobaas bly.
Dis 'n land vol beloftes
waarop ek so baie trots is,
en ek strewre na vrede in ons Suid-Afrika.

Refrein:

*Suid-Afrika! Die land, die mense,
'n eie moedertaal.
Suid-Afrika! Hier waar die springbok
sy ruimte kan bepaal.
Suid-Afrika! Jy met jou veldblom,
proteas teen die hange,
die bokmakierie kiere-kiere in die laning.*

Daar's 'n land in die Suide
wat sy man kan staan.
Daar's 'n land in die Suide;
jy moet soontoe gaan.
Dis 'n land vol beloftes
waarop ek so baie trots is,
dis ons land in die Suide, ons land, Suid-Afrika!

Refrein:

*Suid-Afrika! Die land, die mense,
'n eie moedertaal.
Suid-Afrika! Hier waar die springbok
sy ruimte kan bepaal.
Suid-Afrika! Jy met jou veldblom,
proteas teen die hange,
die bokmakierie kiere-kiere in die laning.*

Daar's 'n land in die Suide
waar die son altyd skyn.
Daar's 'n land in die Suide
met 'n plek vir groot en klein.
Dis 'n land vol beloftes
waarop ek so baie trots is,
en hier bly ek tevrede in ons Suid-Afrika!

Refrein:

*Suid-Afrika! Die land, die mense,
'n eie moedertaal.
Suid-Afrika! Hier waar die springbok
sy ruimte kan bepaal.
Suid-Afrika! Jy met jou veldblom,
proteas teen die hange,
die bokmakierie kiere-kiere in die laning.*

Daar's 'n land in die Suide
tussen berg en see.
Daar's 'n land in die Suide
wat my blydschap gee.
Dis 'n land vol beloftes
waarop ek so baie trots is,
Dis ons land in die Suide,
ons land, Suid-Afrika!

Refrein:

*Suid-Afrika! Die land, die mense,
'n eie moedertaal.
Suid-Afrika! Hier waar die springbok
sy ruimte kan bepaal.
Suid-Afrika! Jy met jou veldblom,
proteas teen die hange,
die bokmakierie kiere-kiere in die laning.*

Voortrekkerliedere

1. AS EK SAANS MET MY MAATS 94 (Voortrekkers KAN Lekker sing)

As ek saans met my maats
om die kampvuur sit, kampvuur sit,
klop my hart van puur genot.
Dan's ek bly, dan's ek bly,
soos 'n voël so vry, voël so vry,
heel tevrede met my lot.
Met die maan en sterreprag bo my,
ai, wat kom ooit daarby?
As ek saans met my maats om die kampvuur sit,
kampvuur sit,
klop my hart van puur genot!

As die vleis, as die vleis
op die kole braai, kole braai
en sy wondergeur versprei;
Wonderskoon, wonderskoon,
wonderreukwerk skoon, reukwerk skoon
soos jy nêrens anders kry;
en ons hef spontaan 'n liedjie aan
uit sieledrang ontstaan;
as die vleis, as die vleis
op die kole braai, kole braai
en sy wondergeur versprei.

As hy kook, as hy kook,
as die ketel kook, ketel kook
en sy deksel rinkink-dans;
As die geur van die vleis en die koffie meng,
koffie meng en sy geure ons omkrans;
dan's dit tyd om sing en praat te staak,
'n blye sug te slaak;
As hy kook, as hy kook,
as die ketel kook, ketel kook
en sy deksel rinkink-dans.

2. DAAR'S 'N TYDJIE OM TE SPEEL 65 (Voortrekkers KAN lekker sing)

Daar's 'n tydjie om te speel,
daar's 'n tydjie om te deel,
tyd om koers te hou, tyd om op te bou.
Maar alles op sy tyd
is ons Voortrekkerbeleid:
kom ons doen ons deel.

Jol,jol,jol, jol, jol-lie-ha-ha-ha!
Jol-lie-ha-ha-ha! Jol-lie-ha-ha-ha-ha-ha-ha!
Jol, jol, jol, jol, jol-lie-ha-ha-ha!
Laat ons leuse klink eendragtig deur ons land;
Hou Koers!

3. HOU KOERSLIED 1 (Voortrekkers KAN lekker sing)

As die lente oor die velde
in 'n asem groen ontwaak;
leer en speel ons in ons eie
word die toekoms oopgemaak.
Om die kampvuur in die stiltes
weef ons drome in die wind.
Strek ons uit na horisonne
sal die hoop ons saam verbind.

Refrein

*Hou koers! Hou koers!
Deel die liefde vir ons land.
Hou koers! Hou koers!
Pluk die toekoms vat my hand.*

As die son se môreklanke
saggies in my oor kom lê;
kies my voete wandelpaaie,
weet ek wat my siel wil hê.
Oor die vlaktes, deur die ruimtes,
lê my spore ankervas.
Volg ek bly my volk se roetes
met geloof se klein kompas.

Refrein:

*Hou koers! Hou koers!
Deel die liefde vir ons land.
Hou koers! Hou koers!
Pluk die toekoms vat my hand.*

As somer in sy glorie
my op tenger halms rig;
reik my hand in diepe ootmoed
na die sekel van my plig.
Erf my kennis, leef my vreugde,
volg die sterre in hul baan.
Voel die polsslag van die lewe,
loof die Bron van ons bestaan.

Refrein

*Hou koers! Hou koers!
Deel die liefde vir ons land.
Hou koers! Hou koers!
Pluk die toekoms vat my hand.*

4. OM 'N KAMPVUUR IN DIE BOSVELD
93 (Voortrekkers KAN lekker sing)

Om 'n kampvuur in die Bosveld
voel ons Trekkers almal tuis;
elke Trekker sing so lekker
as die windjie saggies ruis.

Refrein:

*Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ha-ha-ha-ha-ha!
Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ho!*

Lekker lawwigheid en grappies
en ons lag ons byna gek.
Om die kampvuur in die Bosveld
is vir een en almal plek.

Refrein:

*Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ha-ha-ha-ha-ha!
Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ho!*

Net die geur van boerekoffie
laat 'n mens weer watertand.
Elke Trekker staan nou nader
met die beker in die hand.

Refrein:

*Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ha-ha-ha-ha-ha!
Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ho!*

En dan loop die aand ten einde
en die maats begin te gaap.
Na die tente trek ons almal
vir 'n welverdiende slaap.

Refrein:

*Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ha-ha-ha-ha-ha!
Ho-la-hi! (ho-la-hi) Ho-la-ho! (ho-la-ho)
Ho-la-hi-a-hi-a-hi-a, ho-la-ho!*